

河南通志

河南通志



中華民國三年五月

河南通志

河南教育司長史寶安督工重印

總督南東等跪
題爲欽奉

上諭纂修省志成稿謹奉

表上

進者臣等誠惶誠恐稽首頓首

上言伏以

帝德覃敷煥龍馬授圖之域

皇謨丕顯耀卿雲制宇之疆

表正天中問俗由於訓俗

風行地上教民廼以觀民纂和會之方興彌形樂利譜

敦龐之經戶倍仰薰陶謹繕新函恭呈

睿鑒竊惟荆河界豫載在夏書滎洛分州志於周禮嶽有
五而太少二室特立中央瀆有四而淮濟兩條滙源
南北象緯配乎十宿珠貫壁聯苞苴啓乎三辰皇翔
帝步迨夫有商作邑北宋建都聲靈赫濯之區文物
衣冠之藪洵稱闐闐亦曰腹心若稽載筆成書尤著
連篇積牘陳留人物魏晉分列規模汴洛圖經郡縣
畫呈形勢風俗通編由應劭夢華錄纂自東京誌曰
河南宋敏求實勤耆叢記名鄴下劉公銳亦見搜羅
蓋自圖稱著耆舊以來下逮王偁紀東都而後宋史
探淵源所自稗官貽瑣碎之譏踳駁焉例所勿登櫟
括者義將徧擷欽惟我

皇上

聖由天授

道集大成

至德配乾坤心涵義策

崇猷包河洛福衍禹疇

會五星兩曜於俶訾祥開中土

昭萬載一清于黃瀆瑞滿豫州蓋此地實聯壤

京畿維斯民尤近光

天子稟中和之性悉由

聖德薰陶驗習俗之醇登荷

皇恩淪浹恭逢

泰運永耀坤維敬奉

巽申重編豫志蓋自前督臣田文鏡總輯未及開雕計
歷今四載增修謹加纂述

聖制大哉

汪言恭弁全編猗歟

盛典禮章樂舞誌明備以協昌期張利河防補闕遺而宣
熙績職官詳列姓名文經武緯續例非繁人物析區
門類道學詞章按班核實此皆不敢沿舊酌入新增
者也至於星野輿圖參考山川而罽布城池學校更
兼祠祀以縷陳考成賦于十上之區權輿禹貢採土
風于勤儉之俗根柢周詩宦績鄉評公論本按南

旦遺文古蹟廣蒐逮洛下春秋以及折蘆渡海一花
五葉之宗風少林尤崇面壁候烝入關玉版金繩之
奧義函谷實號傳經此皆稍飾曩篇合成今集者也
臣材疎經術學愧史裁起例發凡敢冀有倫有脊集
思廣益務期無黨無偏遵

寶訓以盟心效颺言而稽首伏願

堯章彌煥

文德益昭

金鑑聿開秘啟丹文綠字

玉衡在握象超蘭檢芝函如典如謨軼光華于三古爲
圭爲臬定準則于四方將見封嵩紀瑞呼萬歲者時

三

天仰

聖激切屏營之至謹奉

表隨

進以

聞

雍正二年
月

日總督南其等鑒
茲有貴國通事
得新嘉坡前御
兼辦商務及聚
各事後

補刊河南通志全板

告成序

豫省當九區中其封
域則冀兗青徐荆揚
幽并所環峙也其人

材則道學正宗耆英
名世所薈萃也其生
植則東京東都南都
魏都諸賦所揚厲鋪
張者也理大物博類

聚羣分氣佳哉鬱鬱
葱葱然欲以一書會
大全備故實作全豫
之指歸爲衆宇之橐
鑰不其偉與不其難

與余以壬午歲恭膺
簡命旬宣茲上公餘繙閱

通志始纂於雍正六

年再纂於乾隆三十

二年閱今凡六十載

有奇矣急欲續纂成

書以資掌故議未決

會祥符令王君以刊

補舊志缺板請余曰

此古所謂後海先河

也夫通志之纂於事
誠爲急急然工費以
鉅萬計不豫籌其至
足焉恐資將不繼資
備矣而或無良史才

綱領之採摭不富考
据不實文史弊均有
志若無志然才集矣
而會各州邑之志登
於郡會各郡之志登

於省其新修者可釐
訂而增損之其未修
者方將考文案採遺
聞以創成之此非合
全省數載之力不爲